

禮記

栲栳山人集三卷

元岑安卿撰安卿字靜能餘姚人所居近栲栳峯故以

自號志行高潔窮阨以終其詩有云老成媿苟得童稚

羞無官又云人觀所為主結交慎攀援足見其堅苦自



善題推蓬圖詩稱坡翁仙去二百
靖國元年計之蓋當元之中葉故

編輯禧初名元禧洪武間召修元史曾為安卿題像述

其生平今亦附載於集中其詩戛戛孤往如其為人惟

七言古詩時雜李賀温庭筠之體蓋有元一代風氣如

斯然氣骨本清究亦不同纖媚穠冶之格顧嗣立元詩

選曰安卿嘗作三哀詩弔宋遺民之在里中者寄託深
遠有俯仰今昔之思案三哀詩一曰厲元吉宋末舉進
士第為烏程尉入元不仕以終安卿之師也一曰高師
魯佚其名而為安卿家三世之交總角時曾得見之一
曰李天錫則其里之老儒安卿未及相識者詳其詞意
前二篇為追念故交後一篇為表章潛德其間雖有新
亭黍離諸語乃追敘三人之遺事非安卿自有是感詩
語甚明嗣立遽以思宋為說穿鑿殊甚又集中出門偶
賦詩有側聞朝廷遺逸徵集賢著作空盈庭中書堂上
日羊飯世祖山河如砥平則身見元政漸弛文恬武嬉
方深以國事為憂而望以無忘祖宗之勗業豈復矍矍

於宋者乎嗣立以詞害意遂使安卿首鼠兩端今謹訂
其正其誤俾讀者無惑焉

此冊為同年韻詩宗戾所藏上鈐翰林院印蓋四庫底本
不知何時流入韓氏韻詩復從韓氏得之者也今歲四月
韻詩又于琉璃廠肆口一舊鈔本乃從宋玄信刻本邊寫
者前多小序一首不著撰人名後多送友七律詩半首下缺越
凡分三卷
二系有宋玄信後序一篇依其上半書中有施閔章江聲秦
大士翁方綱諸印韻詩既有雙本乃贈我此冊備益所藏
豈非快事校讀一過識此以旌高誼壬午五月二十五日時
寓居韻詩意園之蓮心室
玄信

栲栳山人詩集

五言古詩

古意四首

亭亭千歲松起自一寸植苟無斤斧患壽可比金石

青青園中草一雨迴故色清霜忽飄颻彫悴在頃刻


又

寶刀不斷水綫溜可穿石君看城門執要非兩馬力

為學不苦心虛談政何益偉哉大禹功猶思寸陰惜

又

濟冲執牙筭武子蓄金埒積鏹不能施名穢身亦滅



富貴何足云道義自可悅偃蹇彭澤腰不為五斗折

又

江河東入海天漢恒西流感此不息梳宴安匪良謀
農夫務耘植為學與義求青春厭老大還可回施否
偶讀戴帥初先生壽陳太博用東坡無官一身
輕有子萬事足詩二句為韻亦依韻以續其
後且寓世態下劣自己不遇之意云爾

飯至即舉筋不問來有無寒風推短褐誰能忍須臾
平生耕稼心愧此老病軀掩卷空太息相對慚妻孥

又

貧夫富且壽吉士飢復寒什襲寶燕石白壁泥塗間
老成愧苟得童孺羞無官如何羊裘翁不念歸來難

又

登崇任資筭用捨計月日善既無所嘉惡政不須嫉
是以利祿人處世惟用術吉凶雖無怙萬世德惟一

又

謗讟我自致勿忘生不辰蒺藜非所據石下遂陷身
始知膠漆心千載雷與陳蠅矢任黑白頽然自天真

又

締綌不任暑毛褐寒還生寒暑歲相似中心空自驚

道義山岳重富貴浮雲輕念此轉悽惻俛仰何所成
又

人各有所愛我獨不愛酒心清萬慮息晃若開八牖
醉人識至樂云入無何有惟餘獨醒翁千載尚吾友

又

憲章千萬條執筆不勞擬事至唯討論倦足成跛倚
終然有變通圓池倏方止歎息無所言神哉孔方子

又

天以一生數積累乃至萬不一事轉多觸目皆恨怨
干戈致陵夷可否更替獻緬思結繩時淳風欲遐遠

又

人皆與世同我獨與世異同則譽日生異則毀日至
西山采薇翁千古秉高志斯人不可從催科困王事

又

鷓鴣一枝安鼠飲河易足惟知人鷺紫不識天理辱
滄溟偃鯤鵬雲霧迷鴻鵠一笑付忘言歸田故山曲

王子英館楊氏作詩自述以東之

項王拔劍起叱咤天為陰平生萬人敵虞兮淚沾襟
我才魚上竹君學猿投林歎息無與言蕭騷雪盈簪

又

我憐卞和氏獻璞刖其足千載無斯人荆山有遺玉
遺土何足云遺賢難自鬻置身蒿艾中何人為推轂

又

蒲輪迎申公感慨懷漢武為治顧力行所畜惟一語
寥：百世下茲事誰復舉高松梁棟材埋沒同草莽

又

狂奴肆故態傲睨萬乘君羊裘不解結歸釣桐江雲
我窮不出戶經籍自討論懷哉孔稚圭空移北山文

和李元善自警詩

達為天下相窮作人世師窮達有定命勿歎時非時

寧污牛尾泥不作車塵隨山林隱文豹江海潛黃螭
人皆嗜奔競奔競人還嗤仲尼與三子出處皆從宜
一介不可與萬鍾亦難辭令人知古人下識來者誰
何如沽美酒咲傲歌新詩功業不補世那求後人思
人生如薔花開落從風吹又如無根蓬飄：亦何為
天高日月遠壽命皆崦嵫人兮勿自苦吾道常平夷

百鴈圖

離：鴻鴈群湫：水雲國白雪剡川藤元香牧溪迹
形真具生意彷彿二百翼四海兄弟情於茲見叙秩
前鳴後如磨高下低復逆隨陽足稻梁直夜防梳弋

水寒蘆葉黃，霜清芡花白。群遊得所止，一氣同悅懌。
哀哉淮南謠，布粟歌斗尺。東阿賦豆箕，才高終擯斥。
觀圖適念此，翻為古人戚。令人猶古人，毋為後人惜。
送鄭學可赴平江學道書院長

姑蘇古霸國，繁華有遺蹤。櫛比十萬家，樓臺出鴻濛。
歌舞徹清夜，錦繡圍春風。苟無禮義化，流蕩將何從。
子游千載士，文學洙泗宗。邦人致仰慕，築室闡闡中。
犧牲與籩豆，祀事潔且豐。育材闡文化，道義相磨礱。
有如砥柱石，屹然障河洪。吾邦舊文獻，近亦多章逢。
楊子昔長講，貫懋厥功。吾子亦云往，辭色溫且恭。
薰風揭絳帳，舉比座蒙茸。願析學道旨，再使民俗忠。
我當踵季札，觀風一來同。

食新筍

黃虀甕已竭，枯脯筐亦空。老芥長芒刺，食久咽為痛。
山雨折竹胎未入，春盤供畦丁。適踵門致我，親戚送
脫網錦紋散，切土霜刀弄。新香歛湯鼎，饒涎迸齒縫。
未倩搜詩腸已破，食肉夢參禪。誠滑稽，莫筭宜笑闌。
蕢寧譜亦佳，涪翁句堪誦。僻居東海偏，斯味時一中。
山僧應厭食飽食，聽春哢。

三哀詩

厲公予先師侃：國髦士文詞奮白屋名識動丹宸
帝鄉眷遇殊曲宴錫豐侈青衫何足云倏忽期顯仕
云胡尉茗溪露泣秋萱死朔風撼南極黃屋繼隳圮
歸棲從山雲松柯蔭琴史淚揮新亭悲詩窮黍離音
雪霜轉侵凌故里不可止漂泊海東甬生計日彫靡
莫年賦歸歟幸遂首邱志遺經惜無傳嗣續但耘耔
死別三千春恨未致一慰何當馬鬣封秋菊薦寒水

右故厲先生

先生諱元吉字無咎號半村宋末舉進士

第為烏程尉

我憶總角初群立侍師魯蒼然太古姿肩髮垂素縷
慨思英發時濟：整風度承家二百禩衣冠踵餘武
馳騁文藻林蕩落老無過轉眄五十春國祚倏非故
荒涼東海濱誰復嗟罄竇幸餘慈溪翁詩文接情素
孫枝復萎折宗祏凜無主斯文竟何辜不綴一綫緒
嗟予三世交念此轉增慕蕭：務樟風悲號惘難訴

右故高先生

先生字師魯里先儒

吾鄉山水佳間世產英特邇來百年間接武愧寥寂

蒼：栲栳峰東西峙空碧先生擅斯名挺：無愧色
馳聲翰墨場群彦聲咸辟易五色日迷眼造物祕莫測
餘年付詩酒琴書自朝夕晚交無功師妙語契金石
談空眇生死奚以貧賤戚青衫固不就縱就國出草
淒涼文會基孤兔穴遺甃我生恨後時不及風采識
空餘書一編焚香得繙繹

右故李先生

先生字天錫號碧峰里先儒

吊高仲煒

獨蟾東海彥文緒支一木悃歎無所為筆耕繼饘粥

馳騁山水懷泓渟經史腹光潛珠入淵德隱玉韞櫝
辨博沃同志沉默瞬流俗人謂靜者壽命乃如轉燭
分袂未二旬一疾竟困踣寡妻抱遺經號呼無可屬
哀哉同門友付托眇一粟炎涼世事變誰莫生芻束
蒼：林湖山玉樹埋荒麓白雲如有知為我伴幽獨
送易直兄入京

渥洼產良驥振鬣鳴天衢力難任遠重赤汗流殷珠
兄材足馳騁惜為百里拘善政無浪譽鄙彼許直
棊堂風日閑疲氓自春蕪迩來解組歸宴咲樂友于
攬轡忽言別觸熱之

皇都風波幸寧息道途諒無虞穀祿天所與慎勿權
門趨銅章縮綠綬昔日青氈儒我猶寧生龜曳尾甘
泥塗况今遠行邁所願當何如功名固宜勗更寄加
食書

述古四章送范瑞卿回越

陶朱五湖客相業霸於越十年思復讐一舉強國滅
扁舟烟水間千載仰遺烈子今居是邦景慕有前轍
試吏固云始時至亦宏達
萊蕪漢佳士游宦不厭貧辭官太尉府甌釜生魚塵
緬惟清儉操千載聞一人子今舉無玷得祿思養親

嘗聞饘粥絕升斗謀諸隣

司隸百世士攬轡思澄清生羅黨錮禍歿有蓋世名
善類既銷歇漢祚亦云傾子材固不逮識此已足稱
古人不可見千載思雲初

文正將相才憂國還憂民大開天章閣姦邪日逡巡
至今姑蘓田利澤及後人試吏計資筭積累猶消塵
功名苟樹立富貴何足云

盆蘭

猗：紫蘭花素秉巖穴趣移栽碧盆中似為香所誤
吐舌終不言畏此塵垢污豈無高節士幽深共情素

俛首若有思清風飄庭戶

為題慶元路太守雍吉刺氏傳家錄書荅鄭景

尹

東風墜雲翰陋室生光輝熏沐一開緘慰我久別思
為言樂道善速我褻賢詩恭惟侍讀翁忠孝世所知
清容人中彥草廬天下師二老既有作我焉敢措辭
及觀家乘叙潛德良無遺自撥非巧匠縱手惟嗟咨
吾聞許文止道德開

皇基文明耀中土四裔猶虫二譯經入國語訓迪良
在茲所以比庭貴撫字皆倫藝楚堂嗣爵秩來守通
水渚濺澤被民庶懋德隆本支擇配貳

帝室萬國瞻母儀王正肇厥始諸君詠重熙大哉聖
人道終古長如斯

題王氏三鄉圖

春風飛李花秋雨梧桐樹人心自悲喜草木那知故
三香各根柢氣色偶一類淒涼冰雪魂賈絕霜月趣
人惟知其然遂有兄弟喻花豈識友于人自生好惡
吾聞登徒子好色耽偃僂又聞海上翁逐臭慕腥腐
世人溺嗜好顛倒死不悟君今眷茲香志意寔清苦
流芳當無窮萬古復萬古

夢中作

積雨稍開霽晴川棹孤舟
雙目豁陰翳四望餘雲收
輕風生衣袂洒洒舒煩憂
橋橫落日迥水與山俱流
白鷗洲渚涼黃鳥林塘幽
十旬九陰雨茲晴信難求
美景與心會及暮猶遲留
賓朋愜清賞晤語更獻酬
歸途見明月華巔風颭

送景融姪之淵

宴安人鴆毒我老嗟無聞
知汝行有日送汝寧無言
汝父早即世汝子衣猶斑
汝弟頗知學且識膺門難
別家思自奮託蔭薇花垣
王侯近下士接待禮尤寬
人觀所為主結交慎扳援
期汝在遠大囑汝猶殷勤
蛟龍蟄深壑變化斯須間
鵬鷃志霄漢奮迅凌風翰
錢塘萃佳麗比屋人烟寰
寢食須自謹勿躡春風門
酌此一杯酒我心愈憂煩
功名倘相遂寄我歸來篇

謝汪辰良太守祈雨有應

赤日露頂行步入南雷
去歸來雲霧生薄暮雨如注
蒼蒼將槁苗鬱鬱色如故人言
太守賢天意肯相助
不喜亦不矜太守若無與
日月行中天照臨及下土
日月不自功光明萬民睹
我知太守心借此以為喻
試問喻者誰三山老農圃

董止菴詩卷

道人名止菴其實無所止不構草木廬不斲土石址
惟於寓居堂揭扁字盈尺偉哉磐石書古隸道且美
塵市固煩囂自得塵外致開扃睨龍泉嵐光動闌几
中函玉笈文鱗比積經史朝翻暮紬繹刻志究元理
著書混三教牽合固一軌示予得披閱愧未參奧旨
出語如涌泉辨折至於是性心既超脫好尚世所異
朝行携赤藤逍遙舜江市夜息數清漏靈臺湛秋水
我嘗問道入請析止之義仁敬慈孝信五者孰可已
道人咲未言欲答如有擬緝蠻黃鳥聲儵然起岑蔚

題月波圭大章先月亭

人心貴虛明月色愛端正旁苑還哉生以漸至圓淨
誰於既望宵分比先後景亭依水西澣月出山東嶺
孤光一離天即破亭色暝憑闌對東湖漱灑一千頃
惟憐亭西隅陰、尚幽一輪固圓明未盡滿月境
何如到天心山河了無影

和濟天岸法師約李五峰同遊韻

我不識徃古誰復知來今彼哉牛山淚祇濕當時襟
節序倏代謝秋風生樹林暑氣日已薄涼氣日已深
酌我新熟酒鳴我素蓄琴陶然一今古萬事從無心

又

行、風波途著脚殊未穩榮名非素懷飄忽任衰晚
嗟哉聖賢心明白寄黃卷如何當世人交深語翻淺
所以靖節翁拋官托罷蹇長歌歸去來高風播彌遠

又

醜婦怯青鏡當春強歡媚佳人飾紅芳祇恐老日至
清修歲可延婵娟色難恃松高悟茲理倏遂高舉志
君今五雲居湖山迹先寄相從殊有懷誅茅恨無地

又

窮居越東海西望越山翠越山何忽龍中有五雲起

美人隔重江交會日遊恣詩文賞清新世道任豐悴
吾聞宛陵翁窮迺詩所累君今猶筆畊斯窮得無自

又

鷄鳴夜起舞志士慘不眠嵇生稱達觀看鴻復揮弦
何如息心慮從物更後前我惟囿大化不計脆與堅
聞道寧一日穢德終百年盜跖富且壽天理何其偏

用韻簡休遠上人

乾坤散清氣詩文肆呶哇謳吟出天然豈事攫與拏
金鑿傲貴辛玉燭歌調和蘓黃與李杜後繼今誰家
輝光掩朝竦綺麗欺春葩温然悅情性清矣寒齒牙

願予私淑人景慕空年華古來蔬筍林味此閒亦嘉
名誰厠髦俊迹每沉邱阿一班窺管豹兩部聽春蛙
苟無入神趣徒若纏病痾禪林得幻悟學業日以加
綫溜濺崖壑終焉赴洪河大輅鳴和鈴慎勿較柴車
前詩舉相戲勿謂語意頗宗門說圓頓寶偈河沙多
師當復悟此行坐甄叔迦

次茲息庵冬日海棠韻

盈二宮錦僊厭彼繁華場當春不自獻婉婉懷無
托根旃檀林金仙借息光群陰正凝冱特與回春陽
拒霜宜愧苑江梅亦羞香翻令桃杏顏應有趨時傷

定惠一咲姿未免隨春芳始信鶴林仙解逞非時粧
追和常蘓州種瓜詩韻盖有所感也

群耕斥鹵地此計誠迂踈種瓜春夏交幸不致荒蕪
青丸熟秋實漲水為漂如天災世難測詎敢尤耘鋤
農家刈秔稻我迺憂空虛遠思常蘇州不如坐觀書

和李宰韻

春風吹繁花秋露淨孤月壯年嗜好新對此每傾悅
年來百念灰搔首惟短髮流光不我與苔生古人骨
常懷却世紛宴坐學龜息心乎茂叔蓮興乃子猷竹
從渠鵬去留不問馬得失李侯宦游蹤來儻海上宅

庭蘭茁春芽
咲語落霏雪
詩文嘗我過
老晦資啟發
窮思獨善身
自獻殊未刖
對酒還當歌
甘旨肯朝夕
君必與我懷
相對交嘆息

送張巡檢滿任歸冀寧

蓬萊海中雲
太行天下脊
相去萬餘里
可望不可即
君騎紫騮馬
捧檄來夙昔
烏知冀北材
絆此江南役
肅：冰霜姿
翩：水雲迹
三載職巡邏
公餘自經籍
戎老辱交契
相遇惟咫尺
平生詩酒懷
公田足香秫
朱樓俯官道
向水光的皜
開簾見青山
徒倚生悅懌
海氣忽憑陵
蒙衝肆攻擊
弓開新月彎
劍倚秋空碧
跋涉洪濤中
歸語心戚：惟喜山谷間
穿窬自寧息
花村犬生菴
民庶安種植
解龜及初秋
薦剡已騰陟
大邦助衰詞
憲府終見辟
雙溪風月清
往矣無愧色
儀式著宏綱
臨事須謹飭

灌畦

灌畦起清晨
汲水甘自勞
微露濕裳屐
涼風吹鬢毛
緬懷莫陰丈
東陵亦其曹
顧予何為者
佚豫敢自驕
日午得偃息
讀書志弥高
年饒見杭稻
萬民煎煎熬
寄跡天壤間
於焉遂逍遙

洞山十詠

松龍

輪困屈拏勢偃蹇蟠伏影山神懼飛騰繫縛藉藤綆
斤斧不敢施螫卧恐其醒鱗甲生陰風颯我毛骨冷

蛙石

子陽千載寃化石疑未死脹腹猶彭亨屹此自尊鬼
怒氣足倡勇能為越王起坎井樂苟安烏知東海水

鏡池

鎔鑄匪鑪冶寒夜凝不裂雖無磨淬工俯視杳奩揭
能湔百慮空了不見生滅水鑑唯外形心淵湛秋月

梅沼

孤根懸倒影彷彿浮靈槎疎々枝間雪淡々波中花
松竹復相亞偃蹇同欹斜折香汲深寒清供推禪家

將軍石

奇形奮雄武可拜不可觸雖無三品封閱世知幾國
似逃秦皇鞭來聽山鬼哭翻思雷萬春受矢如槁木

烏石嶺

山蹊本蘄岩着脚畏頑石何人琢元璞甃壘界墨色
恍疑踏鯨背步武便短屐日暮知僧歸山空聞卓錫

豹閔

日光爛陰崖壯氣振林木炳々金錢斑霧澤文彩足

夜深忽吃吼驚却老僧宿起視山月高餘音在空谷
透瓶泉

崖陰滴珠瓏清蓄鮫人泣薨嬰汲新寒滿貯歸須急
外添如方諸中乳匪人吸君看鉛汞流金鐵猶漏濕

琴峽

石東清溪流琮琤玉聲碎如聞操履霜墮却思親淚
伯牙寡所知鍾期乃同志至今流水音窅在茲地

桂軒

誰居廣寒宮有此佳樹植年々風露中黃金吐秋色
秋色天上来開軒為我得咲彼揮斧翁勞生竟何益

吳南

王子英李元善會於林湖資敬菴各有

韻語予遂叙和

後々歲將暮閒暇不易得高賢會山阿恨此雲霧隔
敬亭新歸人金臺舊遊客偕彼東舉翁於烏話疇昔
心契金蘭交意探山水贖我窮不出門頗覺天地窄
君雖倦遊歸有志終致澤長歌楚狂辭痛哭賈生策
努力青雲衢毋使頭遽白

魚潛碧淵中鳶戾青雲表志士各苦心肯嗜顏色好
聲氣幸不殊詩書事探討賡歌叙繾綣翰墨遞揮掃
三英倏胥會翠崦深杳々有同松竹梅凌寒挺清峭

我亦物外人胸懷自明了退藏豈_余心心畏此風波浩
未言折鎗：政坐污皦：古道日淪喪交誼今復少
如何二三子真情見懷抱倘可立下風毋說原壤老

懷古

淵明晉徵士子雲莽大夫超然歸去辭深哉太元書
文詞重金石軒冕輕錙銖恬退各有辨賢愚

焉知千載下直筆逢董狐

何足云節義斯良圖

奈何今世士草間乞為奴首鼠幸脫免辱國心何如
嗟嗟白野公肝腦污泥塗見道固明白殺身似模糊
讀我懷古詩後賢其鑒諸

寄興示諸子

田園日蕪穢衰邁不自治童僕肆踈懶子孫習娛嬉
良苗雜稂莠瓜瓞纏蒺藜草深狐兔聚水積蛙蚓滋
念茲每獨往懇焉起遐思世事亦如此重令我心悲

送任正之旋里

君居東海國投轄思釣鰲持竿三十年歸來鬢蕭騷
六鰲不可得動盪空波濤跋涉山海間力費心徒勞
唯餘詩酒興不負平生豪揭來三山居燕坐樓閣高
開牕納新月展席延清飈此樂我所嗜蒸氣生膚毛
世人附炎熱反為我輩嘲窮冬雨雪途竹輿替蘭橈

歸隱五磊峰俯視雙丸跳何當共登覽長嘯青雲霄
題舊紈扇

去年壁上扇蒼生網蟲今年承拂拭還有去年風
自憐顏色改得入君懷中願言新舊人恩寵長相同
次韵桂懷英以詩寄謝元善及宗昭姪輩暮夜
見訪

窓虛月烟：林近風颭：梅花照我室緬想羅浮遊
羅浮浸碧海騎鯨夢中求風淒花月白毛骨清寒繆
坡翁不可見浩興無與酬歸來二三子謳吟愜狂謀
敲門索美酒燈影搖玉舟誰能合汚俗庶足同清流
為言立仗馬何似忘梳鷗董溪月中僊乘鸞海東頭
我思一見之足往心還留寄聲妙年客癯翁不勝秋
簡從山僧亮明道

普明山中僧瀟洒雲外客肅賓天竺堂步武慎規式
山中五十指湖海視儀則斯時虎巖翁宴坐躬誨益
瓶錫如流泉請謁無虛席吾師解周旋雲衲舉欣懌
送迎盡禮貌衆譽日輝赫高座忽傾圮拂袖歸故域
從容細行中止觀恣溫繹諸山積餘資潤屋後華飾
飛甍切雲霓廣畝連阡陌豈惟服食豐少艾亦充斥
又

國朝極尊崇我輩徒嘆息一朝命令下俾齒齊民役
徵輸與輓漕鞭箠困驅策于以甦疲民于以驚貨殖
唯師樂恬退儲蓄僅朝夕昔有無田說今無有田戚
所以閒雅懷得遂遊覽爲今秋積雨餘訪我海東磧
田衣影翩：屐齒響苔石我逃空谷中間之喜盈色
一尊對黃花真意頗週悉僊仰出贈言拈毫寫胸臆
倒囊答新響明月光的皦生我蓬華輝啟我茅土塞
復為重峰行幽探山水贖茲山多俊彥感歎已非昔
顯：大章公叢林服英識斯人不可見僊仰但陳跡
歸來叙別懷晤語轉悽惻吾宗子孫多且復倒餘瀝
鄰家有新醕解佩奚足惜欣：笑語間禮度愈嚴飭
約我山中遊可以已羸疾詎意承新交出語見悃幅
茲行固未逮厚意殊感激何當具扁舟行艤半山側
一笑過石橋攀蘿共登陟摩挲兩青瞳遥睇南山碧

次元善喜雨韵

石燕拂雲杪河魚落簷前天公半月雨下上舒憂前
槁壤蚓發唱素壁蜗留涎禾蔬鬱嘉秀樂彼田與園
既無溝壑虞体受期歸全插架有遺軸足以消餘年

次雷子樞知事延平八詠韵

龍津春浪

寶劍龍入水千載猶可見春風動鱗甲浪舞桃花片
一息過天池相期曲江宴

猿洞秋風

風高掃炎瘴猿嘯破昏昧聖學醒群蒙觸景與心會
我思住山中伊誰致芳酌

三寺雲溪

我二金鳳山紺宇各雄占佛境本無殊人心有欣厭
雲從何處來普覆青蘿广

九峰月朗

群峰西南來疊翠環且聚絕頂生夜涼光浮玉毫兪

沆瀣洗我心高吟振寰宇

梅山朝旭

白鶴去不返仙歸已無日大明生東維光榮神丹室
我來吊遺蹤唯見跳丸赤

演仙晴霞

翠微爛五色迴光動僊舍誰移赤城霞來展延平畫
躋坂遠莫遂沉吟日西下

中巖飛瀑

泉流山忽斷急濺落懸壁染石見天梳竅竹給民食
賢哉賽侯功豐碑宜百尺

黯淡雄濤

建溪東南流灘石獐可怖黯淡東奇險過此始無慮
回思太行山亦有推車路

官舍偶成

宿雨生曉涼幽禽在高樹披衣出門看溪流急如注
草木破新渥青山滿公署偶為城郭居獲此林下素
鄰家酒如澗歌管朝夕度此樂非我知看書日還暮

傷心行用李長吉韵

朔風動清吟孤月流寒素白髮困青燈紅粧泣秋雨
羅扇沿網蟲寶鑑青鸞舞白晝魍魎行山昏鬼無語

詠范氏池亭

虛亭巧結構有北觀魚境碧沼風生紋高林月留影
花竹列我前松杉瘦而穎上環翡翠屏水瑩琉璃井
書生東海來山水頗深省喜有鄭家湖詩文每相警

栲栳山人詩集卷之二

七言古詩

題太真春睡圖

東風吹香蕩晴晝長
安宮苑花如繡
海棠一夜折輕紅
淑氣薰蒸困醇酎
太真徙倚沉香亭
宿醒未解春冥冥
看峰斂翠翳秋水
侍兒夾擁花娉婷
玉床膩滑芙蓉展
水沉烟裊金屏煖
丹腮融潤珊瑚溫
寶釵斜鬢烏雲縮
上皇玉笛那敢吹
地衣紅皺靴輕移
傳令別殿罷歌管
流鶯不語游絲垂
漁陽鞞鼓邊塵動
臺

閣無言卿士惜婦人一睡四海昏主閣臣諛恣如夢
翠華西狩九廟隳禍胎未翦三軍疑馬嵬之夢生死
訣一時悔禍人心歸驪山舉燧供歡笑犬戎蹴踏周
原草丹青誰寫春睡圖後世不須箴太寶

樵隱詩為淵東僉事畢公賦

山人隱跡樵崆峒

天王賜見明光宮執柯伐柯喻為學茲理講貫融心
胸洗二胄子國元氣有命剖析開昏蒙斧斤斲就棟
梁器構榱椳楔紛相從賢能往：布清要利澤天下
山人功功成又復視民俗綉衣玉斧蓬萊東翦除枳
棘毓嘉木坐聽於越歌時雍會稽秦望嘗獨往北心
猶羨樵徑風

次韓明善題推蓬圖

青松陰：間修竹六月脩然破炎溽梅花一味只宜
冬江上孤舟水邊屋筆端春信回孤根鮫綃淺抹元
霜痕江南烟雨正愁絕一枝喚醒羅浮菟無聲詩生
有聲畫吟咏工夫見揮洒坡翁仙去二百春夢繞松
風古亭下茲花清致誰堪當孤山題品淵源長推蓬
細認心淒涼鼻端彷彿聞天香

勉宋無逸向學

蚌胎扶珠光陸離山石韞玉形瑰奇民生適秉俊秀
咨如玉含潤珠生輝廣平世德遠已微雲初奮發思
前徽輕儇不逐裘馬肥下帷恬淡蓋監宜讀書待旦
心孜：穴壁睥睨晨光燾我憶視子齟齬時鬣髮蔚
爾青齊眉椿庭期待余所知延師囑汝吾儔歸只今
年纔二十宛瑰詞藻語超倫夷示予琬琰潤且滋蠅
頭點光纍：蘭茗芬馥翡翠飛魚掉尾橫天池秋
風丹桂香紛霏明年期爾扳高枝而翁陰祐應扶持
搏風九萬非難期但愁老眼將昏眊羽翼不睹連雲
垂

墜馬漫成錄示諸弟姪

君不見杜少陵劍南宣謀老且窮瞿塘一蹶傷其躬
又不見蕭齊司徒喪名節隋水被誚訾超宗我慙人
馬仆石梁翻身直下馮夷宮衣襦沾濕愧乘鯉鞍轡
出沒如游龍康莊獨步信便適陟危履險由來凶從
茲時買雨芒屨

和舒宏道

輓轡汲井羞綆短海納江河不知滿大材小器量不
同火鼠冰蠶自寒煖人能宏道斯為儔餘光端可昭
昏愚君家信道非凡夫臨危解嘗捐其軀眼明見此渥

注汗血之名駒胡為尚滯禹門點額之龍魚譬猶卞
和白璧隋侯珠未遇具眼寧同瓦礫迷榛墟君文
璫新出之珊瑚君粹粹美已琢之璠璣誰能與君
對擲爭臬盧但當再拜將彼桓伊鬚裁詩再寄驚我
心模糊我惟袖手閣筆成歎戲武夫幸廁珎與琚定
知鄙我生嗟吁杜洲水煖飛群鳧管絃盡舫如平居
慎勿同樂辜三餘五湖一舸今何如

題晴川圖

清谿鄰：生淺花曉日倒射搖金沙翩然雙鷺下危
石玉雪照影無纖瑕溪邊小景入圖畫青烟綠樹漁
翁家漁翁歸來歌未終鷺絲忽起蘆花風回眸遙望
不可極但見白玉飛青空昔年夜宿瀟湘浦徹曉不
眠聽急雨解衣曳杖立沙頭何似今朝得容與長安
馬寒泥沒腹雪滿朝衣凍肩縮試令援筆題此圖長
篇應賦歸來曲

和王子英醉後韻

至人超六合造物期同遊飄：無根蓬蕩：不繫舟
江河固知返日夕惟東流鴉鳩爾何為戶牖思綢繆
人生底用愁如織朝看朱顏暮無色何如生死兩忘
懷日月梭飛任交擲君不見秦皇入海求方瞳色括

區宇推群雄沙邱輻鯨鮪魚臭一世萬世今何功又
不見班生投筆踰流沙封侯萬里威遠如玉關東望
不可入上書祈請心咨嗟我生於人何所為即死於
人何所悲烏鳶螻蟻何所苦珠襦玉柙何所輝不如
生前賦詩飲酒放浪山水間死與造物默：還同歸
正月聞鴉有感

惡人恒多善人少春來省聽啼鳥惟有鷓鴣最惱
人聒：五更鳴到曉鷓鴣鷓鴣你何為萬人怪汝千
人說更有王孫金彈丸遠林逐爾將安歸

二月二日大雪偶賦時寓州郭

東風吹寒春漠：海氣作暝天昏：空塔夜落雪一
尺起看萬樹梨花雲詩翁撫鬚僵不死開窓強作飢
猿蹲欲呵凍筆寫清思甕中餘漚催頻温山僧積財
富猷畝驅馳役事何紛：木魚停搥磬聲絕但聽衙
鼓趨公門何如孤舟釣魚突獨釣寒江濱

送錫同知

劉侯宦轍半天下臺閣府州無不可王良駟馬熟路
車揚僕樓船順流柁政刑德禮隨設施賢智愚頑咸
切磋竭來貳政臨吾州民習澆漓吏媮惰我侯振舉
綱目張治劇理繁唯瑣：每嗟田賦籍不明玉板青

綾空疊染大邦有命獨見推萬指不停
夜火富民有田不忍欺貧士無田愈閒暇
今年賦役稱均平吏不容奸民俗安
侯能施惠澤吾民亦祝侯膺福嘏
祝侯福嘏當何如止笏垂紳輔宗社

代人送陳元綱巡檢葬親畢還烏江

東風吹醒遊人夢千里懷歸寸心痛
烏江春至雨雪餘白鷺洲晴水消凍
錦囊璀璨竹色饒盡鷁凌空見飛動
陸行更買竹肩輿夾道梅花遍相送
春禽不解客心悲曉日高枝作嬌
笑涉江還踏西陵道萬壑千巖春
眇：祕圖行認舊遊蹤客星分翠
迎歸棹三山

東望海茫：雪浪翻空髻鬟小歸來
夜宿故人家白髮青燈炯相照明
朝匍匐走重峰淚洒松風石雲島
街哀捧骨闕幽宮馬鬣封高水縈
繞行人齋咨風日悲白馬素車來
故老送終事已旋有期叙舊杯盤
慙艸草裁詩聊復餞君行我亦何
人遽揮掃西江宗派師涪翁邵菴
當代文章公持詩為我謁函丈點
化金鐵歸陶鎔絨滕遠示塗竄迹
咀嚼端可醒昏蒙何妨更致明月
片七梳兩腋生清風掃除人世酣
醉夢凌雲竟入蓬萊宮西江訪舊
期再會擷芳更煮康王淙

題王中立樵雲卷

三衢仙人石橋奕隅坐野樵心自適不知柯爛歲月
深人世歸來已非昔越山客亦焚雲中碧山杏三雲
重三香爐捫蘿春翁蔚若耶涉水秋冥濛斧聲丁丁
響深谷猿猴鹿豕慎相從懷章太守歸故里讀書處
士棲長松古人千載不可見二公出處誰將居同君
於此計豈長往艸衣芒屨姑從容仙人倘遇不須久
歸來歌我樵徑風

出門偶賦

老驥伏櫪風蕭蕭：飢鷹側目看青霄驪龍抱珠海底
卧虎豹不噬群狐嘯河邊老人倚牆坐六合茫茫彈
丸大平生騰讀古人書倒篋青錢無一箇側聞
朝廷遺逸徵集賢著作空盈庭紫薇堂上日羊飯
世祖山河如砥平

題慶元路太守雍告刺氏傳家錄卷

六經輔世不可徹照耀古今如日月前聖後聖語合
符歷三盡為忠孝發堊堂太守來甬東下車德澤春
融三撫民餘暇出家乘累葉爵位猶尊崇先翁昔長
玉堂署為德重三心謙冲露香百拜已母疾讓爵同
產情相鐘

彤廷褒錫表宅里雙楹玉篆懸穹隆

大君有命治懷慶至今父老歌勛庸尊崇不綠戚里
貴忠孝自與天人通中朝閣老更賞詠墨雲揮洒飛
蛇龍雄文大筆續前代王光下燭披長虹親敬長
在一已能使天下皆同風公承世實將雨露盡洗海
國塵埃蒙民風丕變 息溫言惻心蕪疲瘥老農
家居五雲 嶺東望思悵願言不日秉旄鉞心
州均入甄陶中上為天子宣德意下慰祖考於無窮
詩人作歌頌不朽豐碑百尺看磨礱

題鄭學可餘樂齋

爰居不識鐘鼓響孔翠赤霄羞飼養榮陽千載不羈
人厥後雲初亦清燕獨溪流水清可斟烏戎山高足
瞻仰羨君築室山水間餘樂名齋信奇賞齋前花藥
恒芬敷屋上喬松翠相向黃金未散書滿堂白酒要
賓不須讓不綠獨冷固棲遲山水情深起遐想人言
貧賤樂有餘問君此樂為何如貧而無樂豈我輩富
不好禮尤庸奴貧而有樂富好禮此是人間真丈夫
元日有感率成口號示李淵姪輩傲儲光義體
世家三山踰百年讀書作官還種田支分派別五十
竈昔日一家同屋眠迩來本大枝葉繁榮枯異體理
則然自家有酒自家吃有餘儘可賓客延自家無錢

自家守慎勿做効生冤愆我今新正四十四髮白面
黑心未死寡交頗覺鄉黨踈嫉惡何妨宗族忘此心
但願子孫賢詩禮家聲勿令墜種田有飯蚕有衣讀
書作官天下知紛：衣錦食肉人馬上相逢知是誰
予觀近時詩人往：有以前代臺名為賦者輒
用效顰以消餘暇

章華臺

周綱陵夷九鼎輕玉帛交錯朝蠻荆熊虔北睨志未
已積材壘土挽青冥姬姜麗質鄭衛音臺中宴樂森
如林汾沮遠略肘腋變乾溪一散愁人心荒山飢走
歸無所睡酣又失消人服棘闌深閉魂魄飛申亥負
屍埋淺土章華臺上空子規啼殺游魂終不歸

姑蘇臺

吳王築土山為址俯視水雲三百里臺中歌舞萃華
麗金碧噴岼眩珠翠江花泛：浮鷗夷會稽思霸甘
卑辭千金不買西子笑一舫竟逐陶朱歸丹砌草深
麋鹿卧淒：棘露沾人衣闔廬邱墓虎為衛至今鐘
磬聞餘悲游人不悟國傾亡松間援筆題真娘

朝陽臺

巫峰十二青參差石形儼現仙娥姿蒼藤翠木怯淒

冷精誠夜感衰王思仙衣縹緲仙裙濕雲影飄：雨
聲急陽臺朝暮不勝情高唐想像愁無極夢寄遇事
杳冥公子雕辭亦胸臆荒涼古廟屹江干臺空不見
行雲跡游人悵望尚徘徊古碑寂：荒莓苔

黃金臺

雕牆峻宇無不亡蘇城築宮國乃昌屈身延士禮優
異四方英俊如雲翔郭孰生馬喻真良策亟拜樂卿為
上客兵行旬日入臨淄秦楚諸君咸辟易夙心已雪
先王耻七十齊城祇餘二君王儂去主帥逃嘆息後
人非魏悲慘朔風號不知騎劫何時招

